



Inatsisartunut ilaasortaq Aslak W. Jensen
Inatsisartut

**Tulaqqanermut, usingiarnermullu SIKUKI-p akitsuutai pillugit Naalakkersuisut
pilersaarutaat pillugit § 37 naapertorlugu apeqquteqaammut 2021-29-mut akissut**

20-05-2021
Suliaq nr.: 2021 - 9411
ID. nr. 64190430

Asasara Aslak W. Jensen

Inatsisartut Suleriaasianni § 37 naapertorlugu tulaqqanermut, usingiarnermullu SIKUKI-p akitsuutai pillugit Naalakkersuisut pilersaarutaat pillugit Naalakkersuisunut apeqquteqarputit. Apeqqutitit uannit akineqartussatut innersuunneqarput. Apeqqutitit matumap kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Naalakkersuisut SIKUKI-mi tulaqqanermut aammalu usingiarnermut
akitsuutip atorunnaarsinnissaa pilersaaruteqarfigaat?**

Akissut:

Sikuki Nuuk Harbour A/S-imut atuisutut akiliuteqartarneq kiisalu Nunatta Karsianut akitsuutit assigiinngimmata, aallaqqaasiullugu erseqqissarneqartariaqarpoq.

Sullissinerit, matumani umiarsualiviit, aningaasalersorneqarnissaannut atuisut akiliutaat atorneqartarput. Atuisut akiliuteqarsimatinnagit sullissinerit taakkua Nunatta Karsianit, taamaalillunilu akileraartartunit tamanit aningaasalersorneqartarput.

Umiarsuit takornariartaatit, aalisariutillu nunanit allaneersut nunatsinni umiarsualivinni tamani umiarsualivimmiinnermi akitsuutit akiliisarput. Akitsuutit akileraarutit immata, Nunatta Karsianut taakkua nakkartinneqartarput. Atuisut akiliutaat suliffeqarfimmut pineqartumut tuttarput, sullissinernullu aningaasalersuutaasarlutik.

Akitsuutit apeqqutigineqaratik atuisut akiliutaat apeqqutigineqartutut isigineqarluni, apeqquteqaatit akineqassapput.

Sikuki Nuuk Harbour A/S-imi atuisunut akiliuteqartitsisarnerup atorunnaarsinneqarnissaanik Naalakkersuisut pilersaaruteqanngillat. Ingerlatsinerimut, aserfallatsaaliinnerimut, umiarsualiviullu sanaartorneqarnissaannut taarsigassarsiat akilersorneqarnissaannut Sikuki Nuuk Harbour A/S-ip aningaasartuutaasa matussuserneqarnissaannut, atuisut akiliutaat atorneqartarput.

Umiarsualiviit pillugit Inatsisartut inatsisaata nr. 9, 3. juni 2015-imeersup akuersissutigineqarneratigut, Namminersorlutik Oqartussat umiarsualiviutaanni tamani atuisunut akiliuteqartitsisalnissap atuutsikkiartuaarnissaa akuersissutigineqarpoq. Umiarsualivinnik ingerlatsinermikkut iluanaaruteqartartut, ingerlatsinermi aningaasartuutit kiisalu umiarsualiviup sanaartorneqarnissaannut taarsigassarsiat taarsersorneqarnissaannut aamma akiliuteqartassasut tunngaviumik akuersissutigineqarpoq.

Atuisunut akiliuteqartitsisarnerup atuutsilersinneqarnissaani, umiarsualiviutitta ataatsimoortumik qaffasissusaata kivinneqarnissaa pingaarnertut siunertaavoq. Pissusiviusulli, umiarsualivinnut aningaasaliissutinik inisseeqqinnermut massakkut aningaasaliissutaasut taamak amerlatigitiinnarlugit pigiinnarneqassappata, ataatsimut isigalugu umiarsualivinnut aningaasaliissuteqaqqittoqassaaq, taamaalillunilu pitsanngorsaaniissamut tunngavigineqartut ullumikkumut sanilliullugu pitsaanerulissallutik.

Paasissutissanik annertunerusunik pissarsinissamut, umiarsualivinni atuisunik akiliuteqartitsisarneq pillugu § 37 naapertorlugu apeqquteqaammut 2020-104-mut akissut innersuussutigineqarpoq.

Apeqqut 2: Akitsuut atorunnaarsinneqassappat aningaasaqarnikkut ukiumut qanoq annaasaqaataassava?


Akissut:

Sikuki Nuuk Harbour A/S aktianik piginneqatigiiffittut pilersinneqarnikummat, piginneqatigiiffiup pineqartumut tunngatillugu isertittagai, aningaasartuutigisartagailu Naalakkersuisut ilisimangilaat.

Atuisunut akiliuteqartitsisarnerit assigiinngitsut, suliffeqarfimmut Sikuki Nuuk Harbour A/S-imut tunngaviupput.

Neriuppunga apeqquteqaatitit qulaani allaqqasuni akineqartut.

Inussiarnersumik inuulluaqqusillunga



Naaja H. Nathanielsen